

Evening Dogri News Bulletin,

15 April. 2025 18:15 Hrs

Headlines

- प्रधानमंत्री नरेंद्र मोदी होर 19 अप्रैल गी उधमपुर-श्रीनगर-बारामूला रेल लिंक दे खीरी गेड़ दा उद्घाटन करडन, कार्यक्रम लेई सब्बने तैयारियां मुकम्मल।
- मुख्मन्त्री उमर अब्दुल्ला होरें मेद जाहिर कीती ऐ जे जम्मू-कश्मीर गी राज्य दा दर्जा तौले गै हासिल होग।
- शिक्षा मंत्री सकीना इत्तू होरें छात्रें दी सुरक्षा आस्तै ट्रैफिक नियमें दी समीक्षा कीती, हफ्ते दे अखीर च ते छुट्टी आहले रोज पिकनिकें पर लाई रोक।
- 2025 बरे दी श्री अमरनाथ यात्रा लेई पंजीकरण आहला कम्म शुरू।
- आतंकवादिएं कन्नै होए दे टाकरे मगरा पुंछ जिले दे लसाना ग्रांऽ च तपाशी अभियान जारी।

<><><><><><>

PM-USBRL-Inaguration

प्रधानमंत्री नरेन्द्र मोदी हुंदा 19 अप्रैल गी उधमपुर-श्रीनगर-बारामुला रेल लिंक दे खीरी गेड़ दा उद्घाटन करडन जेह्दे कन्नै गै पैहली बारी रेल राएं जम्मू कोला श्रीनगर तगर सिद्धा संपर्क उपलब्ध होग। इस रेल लिंक च दुनिया दा सब्बने शा उच्चा चनाब पुल ते भारत दा पैहला फौलाद दिएं तारें सहारे खड़ोते दा अजी खड्डु आला रेलवे पुल शामिल ऐ। औखे हिमालयी इलाके चा होइयै 272 किलोमीटर तगर फैली दी एह परियोजना भारत दी इंजीनियरिंग प्रतिभा गी प्रदर्शित करदी ऐ। उद्घाटन कोला पैहले सुरक्षा बधाई दिती गई ऐ, विशेष तौरा पर चनाब पुल ते प्रमुख ट्रैक खड़े दे कोल। सीसीटीवी निगरानी बी दिती जा'रदी ऐ। तोआई, रियासी जिले दे बक्कल ग्रांऽ दे बसनीकें च रेल लिंक दे चनाहू रेलवे पुल दे उद्घाटन आस्तै बड़ा मता जोश दिक्खने गी लब्बा करदा ऐ। आकाशवाणी समाचार कन्नै अपनी खुशी सांझी करदे होई किश मकामी लोकें आखेआ।

<><><><><><>

CM Statehood

मुख्यमंत्री उमर अब्दुल्ला होरें मेद जाहिर कीती ऐ जे जम्मू-कश्मीर गी राज्य दा दर्जा तौले गै हासिल होग। एह गल्ल उनें पुलवामा च Ruma Reshi पुल दा उद्घाटन करने मगरा आक्खी। एह पुल इक टकोदा ढांचागत विकास आहली पहलकदमी ऐ। एहदे कन्नै ना छड़ा खित्ते च राबता बेहतर होग, सगुआं यातायात आहली सहूलत बी बेहतर बनोग। उनें लोकें दे कल्याण ते जम्मू-कश्मीर दी प्रगति गी मजबूत करने दे जतनें प्रति सरकार दी बचनबद्धता गी फी पक्का कीता। मीडिया कर्मियें गी संबोधित करदे होई मुख्यमंत्री उमर अब्दुल्ला होरें आखेआ।

<><><><><><>

Sakeena-Traffic

शिक्षा मंत्री सकीना इत्तू होरें सिविल सचिवालय जम्मू च अज्ज इक बैठक लाइयै स्कूली ते कालेज दे छात्रें दी सुरक्षा गी यकीनी बनाने आस्तै ट्रैफिक नियमें दी समीक्षा कीती। मीटिंग च ट्रैफिक नियमें गी सख्ती कन्नै लागू करना, स्कूली बसें च सी.सी.टी.वी कैमरे लाना ते ओवरलोडिंग उप्पर लगाम लाने पर ध्यान केंद्रित कीता गेआ। मंत्री इत्तू ोरें बसें दी नियमित जांच, तेज रफ्तार ते शराब पीए गड्डी चलाने पर कार्रवाई ते स्कूलें, परिवहन ते पुलस मैहकमे बश्कार नेडमें तालमेल पर जोर दित्ता। इत्तू होरें स्कूल पिकनिकें आस्तै मौजूदा तौर-तरीकें दी समीक्षा करने ते हफ्ते दे अखीर च ते छुट्टी आहले दिन पिकनिकें पर पूरी चाल्ली रोक लाने दा हुक्म जारी कीता। इस मौके पर बोलदे होई मंत्री सकीना इत्तू होरें आखेआ जे स्थाळे स्कूल ते कालेज जाने आहले छात्रें आस्तै इक सुरक्षित माहौल तैयार करना स्थाढी सब्बनें दी जिम्मेदारी ऐ।

<><><><><><>

Rajouri-Accident

जम्मू-पुंछ राष्ट्रीय जनैली शिड़क पर राजौरी जिले दे गंभीर ब्राह्मणा कश होए दे शिड़क हादसे च 8 लोक घायल होई गेन। साहडे संवाददाता नै जानकारी दिती ऐ जे गड्डी शिड़क थवां रूलकिए डूंगी खाई च जाई पेई।

हादसे दे कारण दा अजें पता नेई लग्गा ऐ। पुलस नै मामले दा संज्ञान लै।दे होई जांच शुरू करी दिती ऐ। आकाशवाणी समाचार कन्नै गल्ल करदे होई जीएमसी राजौरी दे सुप्रिंटेंडेंट शमीन अहमद होरें आखेआ।

<><><><><><>

Rana-Public Meeting

जल शक्ति मंत्री जावेद अहमद राणा होरें उधमपुर दे कोटला मोड़ थाहर आम लोकें कन्नै बैठक लाई। इस दौरान उनें मकामी लोकें दिएं समस्याएं गी सुनेआ। कई सारे प्रतिनिधिमंडलें अपने मामलें गी पुट्टेआ जेदे च अनियमित पानी दी सप्लाई, जंगलात कनूनें दी मट्टी रफ्तार कन्नै अमलावरी ते जनजातीय उप योजना तैहत बेहतर ढांचा। मंत्री होरें लोकें गी भरोसा दोआया जे उंदिएं जायज मंगें दा मरहलेवार ढंगै सिर लोकें दे कल्याण ते खित्ते दे पूरे पराते विकास प्रति सरकार दी बचनबद्धता गी फी दोहराया।

<><><><><><>

Yatra-Registration

2025 बरें दी श्री अमरनाथ जी दी यात्रा लेई पंजीकरण आहला कम्म कल्लै थमां शुरू होई गेआ ऐ। आकाशवाणी दे जम्मू संवाददाता नै जानकारी दिती ऐ जे 52 दिनें तोड़ी चलने आली एह यात्रा 3 जून गी शुरू होइयै 9 अगस्त गी रक्खड़ पुन्नेया आले रोज सम्पन्न होई जाग। श्री अमरनाथ जी श्राइन बोर्ड दी वेबसाइट पर ऑनलाइन दे इलावा, यात्रा दी इच्छेआ रखने आले श्रद्धालु ऑफलाइन पर बी अपना पंजीकरण कराई सकदे न जेहदे लेई मुखे दे बक्ख-बक्ख हिस्सें च नामजद 540 बेंक शाखाएं च बी एह सुविधा दिती गेदी ऐ। एहदे इलावा जम्मू शेहे दे पंचैत भवन, वैशणवी धाम ते महाजन हाल च बी श्री अमरनाथें दी यात्रा लेई नां दर्ज कराने दी सुविधा उपलब्ध कराई गेदी ऐ। जेहदे लेई रजिस्ट्रेशन फीस 220 रपे रखी गेदी ऐ। श्राइन बोर्ड मूजब इक दिनै च छडे 15 जहार लोकें गी गै यात्रा दी इजाजत दिती जाग। यात्रिणें दी सुरक्षा लेई लोड़चदे सब्बै बंदोबस्त कीते जारदे न ते यात्रा दरान कोई श्रद्धालु कुत्थें पुजे दा ऐ ओहदे लेई हर बारी आला लेखा ऐकती बी R.F.I.D. कार्ड बनोआना लाजमी रखेआ गेआ ऐ। इस बारे होर जानकारी लेई यात्री बोर्ड दी वेबसाइट जां टोलफ्री नंबर 1800-180-7198 जां 1800-180-7199 पर संपर्क कीता जाई सकदा ऐ।

<><><><><><>

Hajj-Quota

भारत सोयां हज जात्तरा पर जाने आहले तीर्थ यात्रिएं दा कोटा बदाइयै इस बरे इक्क लक्ख 75 ज्हार करी दित्ता गेआ ऐ। 2014 च एहू गिनतरी 1 लक्ख 36 ज्हार ही। कोटे गी खीरी रूप साउदी प्रशासन कन्नै परामर्श मगरा दित्ता गेआ ऐ। मंत्रालय नै दस्सेआ ऐ जे साउदी अरब दे दिशा-निर्देशें मूजब डोआरी, परिवहन, मीना, शिवर, रौहने दी बवस्था ते होर दुई सेवाएं सने सारियां जरूरी तैयारियां पूरियां कीतियां गेइयां ना।

<><><><><><>

Poonch-Search Operation

पुंछ जिले दे लसाना ग्रांड च कल रातीं सुरक्षाबलें ते आतंकवादिएं बश्कार होए दे टाकरे मगरा व्यापक तपाशी अभियान जारी ऐ। इलाके च आतंकवादिएं दी मौजूदगी बारै थहोई दी टकोदी सूह पर कार्रवाई करदे होई सेना, पुस ते सी.आर.पी.एफ आसेआ सांझे तौर पर तपाशी अभियान चलाया गेआ। तपाशी दौरान आतंकवादिएं सुरक्षाबलें पर गोलियां चलाइयां जेदा बलें आसेआ बनकदा परता दित्ता गेआ। इलाके दी घेराबंदी करी लैती गेदी ऐ ते तपाशी अभियान जारी ऐ। होर ब्यौरे गी अजें बलगेआ जा'रदा ऐ।

<><><><><><>

Mughal-road Reopens

ऐतिहासिक मुगल रोड जेड़ी बन्ने आहले जिलें राजौरी ते पुंछ गी कश्मीर घाटी दे शोपियां जिले कन्नै जोड़दी ऐ, गी गड्डियें दी इक्क बक्खी दी आओजाई लेई फी खोल्ली दित्ता गेआ ऐ। बर्फ ते ल्हास पस्सियें गी हटाने परैंत मुगल शिड़क बफलियाज थमां पीर गी गली तगर गड्डियें दी आओजाई लेई खुल्ली रौहगा। शिड़क अज्जै थमां खुल्ली गेई ऐ। गड्डियें दी आओजाई शड़ी बड्डलै 10 बजे थमां लेइयै दपैहरी 3 बजे तगर गै होग। प्रशासन नै यात्रियें गी सावधानी बरतने ते ट्रैफिक नियमें दी पालमा करने दी अपील कीती ऐ तां जे शिड़का पर गड्डियें दी आओजाई सुचारू ते सुरक्षित ढंग्गै कन्नै सुनिश्चित कीती जाई सकै।

<><><><><><>

Farming-Ramban

रियासी जिले च कई लोकें केंद्र प्रायोजित योजनाएं आसेआ समर्थित, सफलतापूर्वक राई-बाई दी बक्खी रूख कीता ऐ। पूरे समें आस्तै राई-बाई गी अपनांदे होई केइयें लोकें स्ट्राबेरी दी खेती जनेहू सम्पन्न उद्यम स्थापित कीते न, जेडे हून आशाजनक नतीजे देआ करदे न। एहू बदलाव सरकारी पैहलें दे राहें पैदा कीते गेदे बधदे मौकें ते आधुनिक ते टिकाऊ राई-बाई आहली तकनीकें दे समर्थ गी उजागर करदा ऐ। राई-बाई दी बक्खूआ रूख करना इस खेत्तर दे मते शा मते लोकें गी इक्क संतुष्टि आहले पेशे दे रूपै च प्रेरित करा'रदी ऐ जेड़ी ग्राएं दे विकास ते राई-बाई दे खेत्तर च आत्मनिर्भरता च योगदान देआ'रदी ऐ। आकाशवाणी समाचार कन्नै गल्ल करदे होई इक नेहे गै करसान जतिंद्र सिंह नै आखेआ।

<><><><><><>